

嚴州圖經
附校字記
一



嚴州圖經

附校字記

(一)

陳公亮修

叢書集成

初編

主編者
王雲五

商務印書館發行

本館據漸西村舍
叢刊本影印初編
各叢書僅有此本

嚴州圖經三卷

宋嚴州郡守陳公亮修前有紹興己未知軍州事董
弇序及淳熙丙午州學教授劉文富序王氏輿地紀
勝陳氏書錄馬氏通考俱作新定志卽此書也此從
淳熙刻本鈔出卷首載建隆元年太宗皇帝初領防
禦使詔宣和三年太上皇帝初授節度使制及敕書
榜文二道蓋修志時高宗猶在德壽宮故稱太上也
前有圖九葉卷一新定郡卷二建德縣卷三淳安縣
其體例先以歷代沿革次分野次風俗次州境次城
社次戶口次學校次科舉次廨舍次改充次館驛次

軍營次坊市次橋梁次溝渠次物產次土貢次課利
次祠廟次古蹟次賢牧正倅題名添倅題名次學校
次登科記次人物次碑碣終焉惜卷三古蹟後已脫
佚矣

鐵琴銅劍樓
藏書目錄

嚴州重修圖經紹興己未知軍州事董彝序此舊序
也淳熙丙午迪功郎州學教授劉文富序此重修序
也冠以太宗初領防禦使詔太上皇帝宗即高初授節
度使制乃建隆元年太宗爲睦州刺史封天水縣開
國子宣和三年高宗授遂安慶源等軍節度使進封
康王也次子城圖建德府內外城圖府境總圖建德

淳安桐廬遂安壽昌分水各縣境圖以嚴州及六縣
分卷各列子目其體例與寶慶四明志同今惟嚴州
建德淳安三卷存淳安爲新安郡治隋置睦州故淳
安一卷獨詳唐刺史李道古撰大廳記具錄唐代顯
慶以來刺史名宋雍熙二年知桐廬縣刁衍續至太
平興國三年足資考證勞季言云唐書儒學傳張後
允遷燕王府司馬出爲睦州刺史此脫燕字宰相世
系表柳範子齊物睦州刺史元和姓纂同此脫物字
又張愿天寶三載韋南金天寶五載俱自台州刺史
拜赤城志刺史失其名董彝有嚴陵集九卷取嚴州

題詠序記別爲一書輔圖經而行錢辛楣養新錄云
陳直齋馬端臨俱稱新定志不云嚴州圖經然董弁
創爲嚴州圖經劉文富奉知州陳公亮之命重修仍
其名實卽一書余謂景定中郡守錢可則教授鄭瑤
學錄方仁榮撰新定續志新定乃郡名非新舊之義
陳直齋因續志名新定亦以劉文富書爲新定志也
嚴陵集與景定新定續志余俱有其書此書三卷係
宋刻可與乾道臨安志其傳余更有宋談鑰嘉泰吳
興志凌萬頃玉峯志俱罕覩之笈開有益齋
讀書志
案是書原本八卷今存卷一至卷三每葉二十行每

行二十字板心大黑口直齋書錄解題所云新定志
八卷郡守東平董弇令升撰紹興己未也淳熙甲辰
武義陳公亮重修者卽此書也首載建隆元年太宗
初領防禦使詔宣和二年太上皇帝初授遂安慶源
軍節度使詔及敕書宣和四年遂安慶源軍節度使
康王榜文一道建炎二年聖旨一道次爲建德府城
圖二葉嚴州全境圖七葉每卷有松雪道人朱文方
印嚴蔚豹人白文方印嚴蔚白文長印二西齋藏書
朱文長印餘詳儀顧堂集

詔宋樓藏書志

嚴州圖經三卷影鈔宋本每葉二十行行十九字前

載建隆元年宋太宗初領防禦使詔宣和二年太上
皇帝初授節度使詔及敕書榜文各一道次爲紹興
己未知軍州董彝序淳熙丙午迪功郎州學教授劉
文富序太上皇者高宗也淳熙丙午高宗尙在德壽
宮故不曰高宗而太上也卷首爲建德府城圖建德
府全圖卷一志嚴州府沿革分野風俗州境城社戶
口學校科舉廨舍館驛倉庫軍營坊市橋梁物產稅
賦寺觀賢牧題名添倅題名登科記人物碣各門卷
二志建德縣卷三志淳安縣其分水桐廬遂安壽昌
則佚矣紹興中董棻知嚴州始勅是書名曰圖經淳

熙丙午知州陳亮命劉文富重爲訂正故陳氏書錄
解題馬氏文獻通考有新定志之目其實卽圖經也
後景定中方瑤等撰續志卽續此書而作續志今尙
存此書則僅存殘本耳原本誤以圖後一葉及卷一
稅賦門至學校門羣入卷三後今一一爲之釐正是
書殘宋本藏吳門汪士鐘處卽鈔本所從出亂後不
知所歸矣

儀顧
堂集

嚴州圖經爲嚴姓物嚴於數年前得之於崑山書集
街價止青蚨三兩二錢藏經紙面裝四冊止存三卷
一百九十葉云是太倉金元功家物余檢葉文莊棗

竹堂書目載有嚴州圖經無卷數冊數當是葉傳諸金而金又散出者也先書友攜是書來索直百千文余未及還價而卽取去後嚴持示錢竹汀先生先生以爲祕籍世無二本當寶愛之故近日欲請觀每託言爲友人借去不能再見然屬書友及與嚴素識者往探消息總以議價定妥然後索歸則是書猶非不可復合者惜余買書金盡未能如數與之以致書不可復合司書鬼與司錢神其能爲我一爭勝耶可歎可

恨

士禮居藏
書題跋記

嚴州圖經余所見者淳熙重刻本僅存首三卷前有

紹興己未正月知軍州事董弅序及淳熙丙午正月
州學教授劉文富序文富蓋承郡守陳公亮之命訂
正是書者也卷首載建隆元年太宗皇帝初領防禦
使詔宣和三年太上皇帝初授節度使制及敕書榜
文二道蓋淳熙丙午之歲高宗尙在德壽宮故有太
上之稱考董弅初勅此志本題嚴州圖經陳公亮重
修亦仍其名而王氏輿地紀勝陳氏直齋書錄馬氏
文獻通考皆作新定志蓋宋人州志多用郡名標題
續志載書籍亦但有新定志初無圖經之目名目雖
異實非有兩本也

太宗皇帝初領防禦使詔

建隆元年正月甲子詔曰朕應天順人宅萬邦而建號
自家刑國睦九族以推恩皇第三弟新補殿前都虞候
太宗舊名擢秀本枝協謀興運自天鍾德秉文武之才在邦
必聞有孝弟之行屬茲勦業宜被寵光俾領郡條兼提
使印官階等爵式示等威徵鵠鵠之詩方思於外禦董
龜貅之眾用肅於內朝雖曰匪親不居亦無生而貴者
是膺厯試仍錫嘉名勉樹令猷永保多福可特授光祿
大夫檢校太保持節睦州諸軍事行睦州刺史充本州
防禦使兼御史大夫封天水縣開國子食邑五百戶

太上皇帝初授節度使制

宣和三年十二月壬子制曰周封同姓以親賢式厚深
根之固漢尊二等而立爵載圖磐石之安朕隆紹慶基
端膺駿命永錫胙嗣肇開第室之榮對揚王休申畀國
章之寵丕昭顯冊亶告羣工皇子檢校太保鎮海軍節
度使開府儀同三司廣平郡王食邑九千四百戶食實
封三千戶名御日榦分暉珠潢疏潤斯干協吉茂疑疑之
奇姿典命陳儀稱煌煌之華芾聰達蘊自然之質藝文
成不習之能詩禮雅言允迪聖門之訓堯舜正道率循
嚴傳之規旣進冠以重嘉宜遵年而出閣班趨萬玉行

瞻極以來朝堂敞旅楹旣環宮而列邸載侈褒崇之數
益彰振厚之風胙南土之山川佩眞王之印綬面槐辨
位聯保職於三公先乘啟行總戎麾於兩鎮併疇主賦
增渙渥恩於戲建國以親諸侯義重本支之盛述職以
朝天子贊資蕃翰之良其祇服於朕辭以永綏於爾祉
可特授太保遂安慶源等軍節度使進封康王加食邑
一千戶食實封三百戶勳封如故

敕書

敕遂安軍官吏軍人道士僧尼百姓等朕以御名粹質幼
龠異材夙就蚤遵年而親傳旣筮日以字成出閣造朝

環宮開邸寵進上公之秩雄兼兩鎮之權制勝壤於浙
江殿名邦於全趙式壯朔南之屏永綏中外之安遠諒
輿情欣聆庭渙今特授御名太保遂安慶源軍節度使進
封康王加食邑一千戶食實封三百戶故茲示諭想宜
知悉將士等各平安好參佐官吏軍人道士僧尼耆壽
百姓等並存問之遣書指不多及二十二日

節度使榜

遂安軍節度使

應遂安軍管內官吏軍人道士僧尼百姓築室肇
開庭綸誕布王封眞拜胙四履以苴茅上袞腆儀